

礼
72



礼

72

礼
72

吳興劉氏嘉業堂鈔本

宋會要卷第九十

大興徐松輯大典本

吳興劉承幹編定

禮主賓 宴享二雜宴 宴餞

宴享二

雜宴

宴餞

宋會要卷第九十

大興徐松輯大典本

吳興劉承幹編定

禮三賓 宴享二雜宴餞

宴享二 雜宴

習射宴



國朝凡遊幸池苑詔宗室武臣射每皇帝中的從官行
拜稱萬歲稱觴貢馬稱賀預射官中者帝為解之賜襲
衣金帶散馬不解則不賜苑中射皆有棚畫暈的射則用括
箭班三十人服緋紫繡衣帽首分左右以喝中否節
序賜宴則宗室禁軍大校牧伯諸司使副皆令習射蕃
國使入朝亦令所臣伴賜射於園苑

乾德二年正月十六日乙巳幸玉津園命從臣習射帝
中的者五三月辛巳五月十九日癸未三年七月丁酉
四年二月七日癸卯幸北園習射二十三日戊午召近

臣習射苑中七月己巳幸開封府尹北園宴射五月庚午五年三月丙午

開寶二年九月壬戌三年七月戊辰四年三月乙巳又宴射六年四月四日丁亥召皇弟開封尹節度石守信等賞花習射於苑中甲午召近臣宴射苑中五月庚午宴射苑中八年三月二十九日辛丑召契丹使於講武殿觀武士習射戊寅召近日宴射苑中九月八日召近臣後苑習射因御崇政殿觀角觝賜從官飲宴

雍熙二年九月九日詔親王節度觀察防禦團練使刺史及內臣後苑習射張樂宴飲

三年二月乙丑辛驕驥院迴召近臣宴後苑上臨池釣

吳興劉氏嘉業堂鈔本

魚令侍臣賦詩遂御水心殿習射飲從官酒

四年三月己卯登水心殿張學習射

四月丁未幸金明池觀水戲因習射上中的五賜從官飲

淳化元年二月己未宴近臣於後苑習射張樂飲酒詔群臣賦詩上亦賦一章賜宰相呂蒙正等

九月八日辛巳召近臣後苑習射因御崇政殿觀角觝之戲

二年三月庚子朔宴後苑上臨池釣魚詔群臣賦詩因習射上中的四

乙卯射瓊林苑

三年三月丙午宴後苑因習射五發皆中的

庚申宴瓊林苑因習射中的五

淳化四年三月甲寅宴後苑命群臣賦詩因習射水心殿上五發中的

閏十月辛卯後苑習射四中的

五年三月戊午同中的六張樂飲酒

至道元年三月壬戌宴後苑登水心殿習射

真宗咸平二年九月九日召宗室宴射于苑中近臣宴張齊賢第諸將飲射本營

十三日宴射于後苑帝中的者十一

十二月十四日幸殿前指揮使班院閱馬射又召挽

吳興劉氏嘉業堂鈔本

弓至百斤以上者射於御前引滿命中帝甚悅宰臣對曰陛下以神武訓兵士旅精銳近古所未有也遂宣射於後苑帝七中的安定郡王元偁鎮安軍節度使李繼隆附馬都尉石保士勝州團練使德恭皆射中賜襲衣金帶鞍馬侍臣皆醉

三年十二月十四日丁巳幸殿前班院閱馬射遂宴射後苑上七中的

四年三月十八日曲宴後苑射于池上帝語及大射投壺鄉飲酒之禮因命直館各賦射宮詩詔群臣極飲怒其沈醉

八月壬子幸御龍營閱射勁弓賜緡錢有差遂幸芳

殿宴射

八月十一日幸含芳園宴射

十二月己巳宴射後苑

二十三日宴射于宜春苑帝中的者六

己丑幸上清宮宴射宜春苑上中的者六

六年二月十八日戊寅幸潛龍園宴射上中的者七

三月丁未又射至祥符九年正月丙午朔宴射凡八

景德元年十二月戊子宴從臣于行宮後苑之西亭因

習射上連中的群臣奉觴稱賀李繼隆等相繼而中上

命夫連發疊中之感賜襲衣金帶鞍馬舉酒屬之戊戌

北征凱旋庚子賜近臣宴于寇準第諸帥宴射于本司

吳興劉氏嘉業堂鈔本

賜上尊嘉饌珍

大中祥符元年五月一日幸玉津園水心殿宴射帝中
的者十又觀衛士騎射於苑南門

八月十四日幸含芳苑宴射帝中的者八疊中者再

九月乙亥二年九月乙丑又宴射于潛龍園

四年十二月辛亥幸殿前班觀習射移幸潛龍宴射

四年十二月十二日幸殿前班召從臣觀騎士習射移

幸潛龍苑宴射帝中的者十一

五年四月五日幸瓊林苑宴射帝作五言詩近臣和

九月二十五日射于相王宮之西南亭

六年二月十八日幸潛龍園宴射帝中的者七

七年八月八日幸瑞聖苑宴射于水心殿帝作五言詩
賜近臣

八年三月十日幸瓊林苑宴射帝作七言詩近臣和

七月二十九日幸瑞聖苑宴射于水心殿帝中的者
七疊雙者一

十一月五日召宗室宴射于後苑帝中的者十二疊
雙者三

九年三月五日召宗室宴射于後苑先是一日召觀書
于玉宸殿從容移咎不暇宴飲故復設是會

四月九日幸瓊林苑宴射帝作七言詩賜從臣

五月二日幸玉津園宴射帝作七言詩從臣和

吳興劉氏嘉業堂鈔本

十年閏二月二十九日宴射玉清樓命潁州防禦使允寧
汝州防禦使濮安官管軍防禦使射弓詔如中的御前
解中依節度使例賜龍衣金帶祥符太清樓宴射

元年三月庚午二年正月癸亥三月戊辰三年閏二月
辛未四年八月庚戌六年三月丙申七年三月癸巳十
月丙寅九年三月丁巳天禧三年三月十三日庚午皆
宴射于太清樓下又景德四年三月甲寅宴後苑射於
太清樓下

祥符水心殿宴射 射堂 宴射賜詩

元年五月庚申朔幸玉津園水心殿宴射帝中的者十
又觀衛士騎射于苑南門

二年五月庚申幸玉津園宴射水心亭

三年閏二月十七日丁卯幸開封府射堂命宗室伯射
帝中的者七

三月壬辰幸金明池瓊林苑宴射上作七言詩賜近
臣屬和

八月十四日庚申幸含芳園宴射帝中的者再

四年十二月十二日辛亥幸殿前班召從臣觀騎士習
射移幸潛龍園宴射

五年四月五日壬寅幸瓊林苑宴射帝作五言詩賜近
臣和

六年四月甲戌幸瓊林苑宴射上作歌丙戌射于水心

吳興劉氏嘉業堂鈔本

殿上十中的

七年八月八日辛酉幸瑞聖苑宴射於水心殿帝作五
言詩賜近臣

八年三月十日丙申幸瓊林苑宴射上中的者六帝作七
言詩近臣和

九年四月九日壬午幸瓊林苑宴射帝作七言詩賜從
臣

五月二日乙巳宴射玉津園帝作七言詩從臣和
祥和幸射堂宴射

三年閏二月丁卯幸開封府堂宴射又至西堂閱太宗
御書圖畫上作詩從臣皆賦甲戌增葺射堂為繼照堂

設樂張樂許士民游觀三日

至道初上居府廨太宗命府東建堂習射周起奏陛下嘗所聽事臣不敢居

天聖八年五月十一日幸玉津園宴射帝中的者七從官奉酒貢馬稱賀殿前指揮使楊崇勳馬軍指揮使夏守贇射中帝為解箭賜襲衣金束帶鞍勒馬

景祐五年十月八日宴射太清樓帝中的者四

天聖瓊林苑賜射 玉津園宴射 寶元瑞聖苑射

八年四月三日乙酉幸瓊林苑賜從臣射于苑亭遂燕從臣是日旁有五色雲

至和二年四月四日壬辰幸瓊林苑宴射上中的者十

吳興劉氏嘉業堂鈔本

四已而閱騎士射柳枝

嘉祐七年三月丁丑燕瓊林苑衛觀士射柳枝

天聖八年五月十一日幸玉津宴射上中的者七從臣奉酒貢馬稱賀

九年五月丁巳射

慶歷五年八月又射

四年五月壬申幸玉津觀稻遂燕從臣射于園中上中的者十九

五年八月丁巳幸瑞聖園觀刈穀燕從臣射于園中觀騎士射柳枝

慶歷四年九月丁亥召宗室燕太清射于苑中

至和二年四月四日幸瓊林苑宴射帝中的者十四
神宗熙寧三年四月三日幸瓊林苑宴射帝中的者四
三年四月三日幸瓊林苑宴射上中的羣臣皆賀迺命
群臣射又特命樞密副都承旨張誠一射酒罷御苑門
觀軍士射柳枝帝自即位至是始再幸池苑後不復至
矣

元豐二年四月三日辛丑再幸宴射上中的群臣皆賀
迺命群臣射御苑門觀軍士射柳枝上再幸池苑

孝宗乾道二年二月四日車駕幸玉津園皇帝射訖次
命皇太子次慶王次恭王次管軍臣僚等射如是者三
每射四發上前後四中的 先是進呈閣門討論宴射

吳興劉氏嘉業堂鈔本

舊儀宰執奏曰此乃政和間五禮新儀所載儀式煩苛
費亦不少祖宗朝儀式又無所該載上曰祖宗朝想無
樂令當事節省俟別行擬至是閣門擬定節次其日祥
曦殿常起居臣僚公服繫鞋車駕至玉津園入幄進早膳畢
皇太子以下并從駕臣僚分東西相向立皇太子親王
使相正任管
軍並窄衣窄執侍從公服繫鞋班齊皇帝坐鳴鞭臣寮以次逐班奏聖
躬萬福各歸侍立位皇帝臨軒有司進弓箭箭皇帝射教
坊樂作初射中招箭班奏訖應左右侍立并祇應臣僚
階上下就位並再拜免拜皇帝射畢復坐以次宣臣
僚射當射官執弓箭階下再拜訖升階射如射中招箭
班報中或傳
旨錫賜降階射訖侍立位射皆畢宣坐賜茶皇帝起鳴
再拜謝訖

鞭群臣並退從之

七年二月十二日宰執奏對畢上宣諭曰祖宗時數召近臣為賞花釣魚宴朕亦欲暇日命卿等射小飲宰執等遜謝上曰君臣不相親則情不通早朝奏事止頃刻間豈暇詳論治道故思與卿等從容耳

九年十二月二十二日宰執進呈臣僚乞令太學生習射藝事上曰向來玉津園宴射唯武臣射恐祖宗典故文臣亦可當與併討論以聞

次年九月再幸玉津園始命文臣葉衡等皆射

淳熙元年三月十三日庚子禮官言按會要游幸池苑賜宴詔宗室武臣射無文臣射典故於是詔從駕文武

吳興劉氏嘉業堂鈔本

臣射用唐貞觀中賜文武五品以上射於武德殿故事

九月十八日壬寅再幸玉津園燕射賜皇太子已下

宴酒三行樂作上臨軒有司進弓矢上中的皇太子進

酒率群臣再稱賀宣皇太子射射中次宣與射臣僚

葉衡等皆射上再射復中的保信節度鄭藻起居舍人王卿

月環衛官蕭奪里懶射中賜襲衣命帶上賦七言詩丞相曾懷已下屬和還宮都人聳觀騷動林野

二十七日詔臨安府擇寬閑地建射圃備百僚習射四年三月十日又射

紹興十八年五月丙子金使賀天申節始宴射于玉津園遂為故事

淳熙二年二月庚辰宣引輔臣使相至後苑觀步軍司
弓弩手射上曰近來諸軍射藝頗精每射託上親視所
中箭多寡并射入鐵簾淺深賚賜有差宴群臣于凌虛
閣下丞相葉衡等席于左少保士輅等席于右酒三行
衡率群臣以次上壽再拜退詔宣勸在列已而舞劍者
進其技精絕上曰此軍中之樂衡乞獨班再奉萬年之
觴上喜飲醕命以琉璃鍾酌丞相徧及群臣仍各第其
量以賜上曰茲有典故衡奏是乃祖宗賞花釣魚故事
越二日選德殿奏謝上曰猶恨不得與卿款曲

喜雪宴

雍熙二年十二月一日大雨雪帝喜御玉華殿召宰臣

吳興劉氏嘉業堂鈔本

及近臣謂曰春夏以來未嘗飲酒今得此嘉雪思與卿
等同醉酒數行又出御製雪詩一首令侍臣屬和
端拱二年十二月九日大雨雪詔近臣於中書宴飲令
各賦詩帝製瑞雪歌賜之自後雨雪應時或祈禱獲應
皆召近臣賜宴於中書

淳化三年十二月八日大雨雪帝喜賜近臣飲宴於中
書詔令盡醉帝作詩親八分書以賜之又詔秘書監李
至會館閣官于秘閣飲宴凡應制賦詩者三十五人
咸平四年十一月二十日御龍圖閣曲宴詔近臣觀太
宗草行飛白篆籀八分書古今名畫移御崇和殿閱張
去華所著元元論及國田圖是日雪詩一章侍臣即席

皆賦

景德元年十二月十六日雪賢政殿大學士王欽若宴館閣群臣帝作七言雪詩賜令屬和

皇祐四年十二月二十日賜喜雪宴于中書初帝以德元責躬減膳每見輔臣等則憂形于色宰臣龐籍等因言臣等不能變理陰陽而上煩陛下責躬引咎願守散秩以避賢路帝曰是朕誠不能感天惠不能及民非卿等之過也是夕乃得雪翌日賜宴

嘉祐三年十二月十六日賜喜雪宴于中書先是帝御延和殿召從臣觀河南府所進芝草帝曰今日喜雪大滋宿麥自勝芝草之瑞也乃賜宴于中書

吳興劉氏嘉業堂鈔本

宣和七年十月十五日以瑞雪降賜太宰白時中已下輔臣宴

紹興十三年十二月雪賜近臣御筵于尚書省自是每歲遇雪即賜之至十七年止二十五年皆賜于宰臣秦檜第

乾道六年十二月一日以瑞雪應時宰執率文武百僚詣文德殿德壽宮拜表稱賀賜宰執以下喜雪御筵于尚書省喜雪御筵久不講至是始復自是每歲初遇雪即賜

喜雨宴

淳化五年四月二十三日以時雨沾足群臣稱賀帝謂

宰相曰司天言熒惑與日同度當旱今膏澤霽霽上天之貶也命以蒲萄酒建茶珍果賜近臣詔曰喜此甘澤與卿等同慶無惜醉也 詳雨字下

觀稼宴

天禧二年十月十一日詔近臣於玉宸殿觀刈小香占城稻命賜宴安福殿

四年七月十一日詔近臣及寇準馮拯觀內苑穀遂宴于玉宸殿

十月二十九日詔皇太子宗室近臣諸師赴玉宸殿翠芳亭觀稻賜宴仍以稻分賜之

八年十一月幸瑞聖園觀稼命從臣置酒苑門作釣容

吳興劉氏嘉業堂鈔本

樂復移宴於苑殿作教坊樂酒五行罷

慶曆五年九月九日幸後苑觀稻賞棖曲宴近臣宗室于太清樓遂射苑中

景祐二年六月十九日幸後苑觀稻并瑞行宴太清樓十月八日幸後苑觀刈稻宴太清樓射于樓下

六年九月十八日幸後苑觀稻賞棖宴近臣太清樓下元旦宴

太宗淳化五年正月四日以歲節賜近臣飲宴于中書真宗咸平元年正月三日賜近臣歲節宴于呂端第每歲節皆就私第賜宴自此為例

五年正月三日以歲旦宴近臣于向敏中第帥臣射于

本司內職射于軍器庫

六年正月三日以歲旦宴宗室于含芳園

太平祥符三年正月六日宴契丹賀正使于崇政殿不作樂以契丹國母喪輟朝故御便殿

清明宴

咸平三年二月二十五日清明節宴近臣於張齊賢第帥臣于本司內職於軍器庫自後清明皆賜會

景德四年三月十日清明節宴宗室于瓊林苑近臣于玉津園舊止會私第至是始就園苑其後亦或復就私第及本宮設會

大中祥符五年三月八日清明節特宴修玉清昭應宮

吳興劉氏嘉業堂鈔本

使丁謂以下于本宮自修宮以後多特別賜會

六年二月十八日清明節宴近臣于陳堯叟第宗室于潛龍園又二日宴帥臣于內職于軍器庫凡賜近臣會者舊止待制以上三司副使止與判官同會是歲始復令預焉

社日宴

太宗淳化五年八月九日社詔近日飲宴於中書遣內侍以御製詩賜之

真宗咸平二年八月八日社宴近臣於中書自後社日皆賜之

四年八月三十日社宴輔臣於中書兩制館閣於崇文

院

五年二月二日社賜近臣飲于中書又賜殿前都指揮使以下酒食於崇政殿門外親王酒果諸司使副泊諸班直茶酒是自歲以為例

六年八月十九日社宴宗室於瓊林苑

景德三年二月二十一日駐蹕西京以社宴宗室於永芳園近臣於會節園又命帥臣內職飲射

大中祥符二年八月二十七日社宴近臣於樞密院以宰臣王旦私忌故也

三年二月二十八日社遣中使張景宗賜近臣待制以上宴于王旦第左右丞侍郎給事中左右諫議大夫皆

吳興劉氏嘉業堂鈔本

預又賜殿前以下射于本司諸司使以下射于軍器庫舊制社日賜宴于中書不張樂使副以下非典事於內庭者不預會令特恩也自此遂為例

八月二日社賜近臣宴於王旦第帥臣于本司三日宴宗室于宜春園以二日鄆王忌故命改日自是社日宗室賜會外苑

仁宗天聖二年二月十三日社宗室于太清樓八月社日賜會如儀大聖後賜會皆用先朝故事或宰臣請罷止命中使分賜酒果

六年二月二十五日中書門下言宰臣張知白喪請輟社日賜會從之

下元宴此條在後

八月二十六日詔河南江南水災罷社日賜宴會
下元宴

雍熙三年十月下元節賜轉臣宴于樞密使王顯第夜
分遣中使就賜御製雜言一篇

四年十月下元節詔宰臣李昉召輔臣於私第宴飲仍
賜羊酒

重陽宴

重陽宴此條在前

三年九月重陽節詔宰臣李昉與樞密使王顯等為登
高之會昉曰陛下春夏已來勤於時政池館希復預幸
臣等奉職無效不敢從游宴之樂帝曰嘉節宴集未至
妨政事也因命賜羊酒于昉第

吳興劉氏嘉業堂鈔本

至道元年九月重陽賜近臣宴飲於中書以御製詩賜
之

咸平二年九月重陽節宴近臣於張齊賢第諸將飲射
于本營內職射於軍器庫自是重陽賜會如例

四年九月重陽節賜近臣會于呂蒙正第帝作重陽五
七言詩以咸令繼和

六年九月重陽節宴近臣于瓊林苑即臣射於步軍司
內職射于軍器庫重陽賜宴就園苑自此

景德四年九月十五日以重陽宴宗室于崇政殿近臣
于玉津園即臣射于馬軍司內職于軍器庫又宴交州
使于瓊林苑

重陽宴此條在後

下元宴此條在後

下元宴

八月二十六日詔河南江南水災罷社日賜宴會
雍熙三年十月下元節賜轉臣宴于樞密使王顯第夜
分遣中使就賜御製雜言一篇
四年十月下元節詔宰臣李昉召輔臣於私第宴飲仍
賜羊酒

重陽宴此條在前

重陽宴

三年九月重陽節詔宰臣李昉與樞密使王顯等為登
高之會昉曰陛下春夏已來勤於時政池館希復預幸
臣等奉職無效不敢從游宴之樂帝曰嘉節宴集未至
妨政事也因命賜羊酒于昉第

此五行抄於第十六頁
前半頁第八行九行之間

嘉業堂鈔本

至道元年九月重陽賜近臣宴飲於中書以御製詩賜
之

咸平二年九月重陽節宴近臣於張齊賢第諸將飲射
于本營內職射於軍器庫自是重陽賜會如例

四年九月重陽節賜近臣會于呂蒙正第帝作重陽五
七言詩以咸令繼和

六年九月重陽節宴近臣于瓊林苑即臣射於步軍司
內職射于軍器庫重陽賜宴就園苑自此

景德四年九月十五日以重陽宴宗室于崇政殿近臣
于玉津園即臣射于馬軍司內職于軍器庫又宴交州
使于瓊林苑

大中祥符元年九月九日帝謂王旦曰重陽佳節卿等
可于園苑宴節氣清爽各宜盡醉刑法官三司判官直
閣以下雖比來無例然公事鞅掌少有暇日已令各賜
筵宴自今賜近臣宴於玉津園親王於潛龍園駙馬都
尉於含芳園殿前都指揮使及諸司使以下於瓊林苑
三館祕閣及三司判官審刑院刑部大理寺官於宜春
園仍分東南設會

八年九月十二日賜近日重陽宴于瓊林苑先是王旦
以攝事致齋故改用是日

九年九月重陽以愆雨罷近臣宴會

天禧三年重陽宴近臣帥臣于瓊林苑宗室于瑞聖園

吳興劉氏嘉業堂鈔本

牧伯駙馬內職于玉津園館閣三司法官京府官于宜
春苑

仁宗天聖三年九月重陽節詔宗室賜會于定王元儼
宮自後多就宮設會

五年九月十日賜重陽宴于諸園苑○九日以皇再從
兄承矩外攢故改就是日

慶曆五年以重陽曲宴近臣宗室于太清樓遂射苑中
皇祐二年九月六日以郊禮在近罷重陽賜會

冬至宴

淳化二年十一月九日冬至十二日賜近臣飲宴于中
書

九
宮
記

大中祥符元年九月九日帝謂王旦曰重陽佳節卿等
可于園苑宴節氣清爽各宜盡醉刑法官三司判官直
閣以下雖比來無例然公事鞅掌少有暇日已令各賜
筵宴自今賜近臣宴於玉津園親王於潛龍園駙馬都
尉於含芳園殿前都指揮使及諸司使以下於瓊林苑
三館秘閣及三司判官審刑院刑部大理寺官於宜春
園仍分東南設會

八年九月十二日賜近日重陽宴于瓊林苑先是王旦
以攝事致齋故改用是日

九年九月重陽以愆雨罷近臣宴會

天禧三年重陽宴近臣帥臣于瓊林苑宗室于瑞聖園

九日
起一
提行
馬低

興
比嘉業堂鈔本

牧伯駙馬內職于玉津園館閣三司法官京府官于宜
春苑

仁宗天聖三年九月重陽節詔宗室賜會于定王元儼
宮自後多就宮設會

五年九月十日賜重陽宴于諸園苑○九日以皇再從
兄承矩外攢故改就是日

慶曆五年以重陽曲宴近臣宗室于太清樓遂射苑中
皇祐二年九月六日以郊禮在近罷重陽賜會

冬至宴

淳化二年十一月九日冬至十二日賜近臣飲宴于中
書

咸平元年十一月二十六日冬至二十八日宴近臣于
張齊賢第每冬至賜會私第遂為常例熙寧中新作東
西府自後歲節冬至遂就賜宴於二府

景德四年十一月六日以冬至宴甯王以下于玉津園
近臣于玉旦第殿前副指揮使以下射于殿前司內職
射于軍器庫

大中祥符二年十一月二十九日賜近臣宴于玉旦第
先是以冬至當賜會特令就且生日以寵之

五年十一月五日以前冬至宴道臣于白敏中第皇姪左
屯衛將軍允十卒請不張樂帝曰樂以侑食不可廢也
命徒中甸 誤會

吳興劉氏嘉業堂鈔本

天禧元年十一月十一日賜近臣冬至節宴于都亭驛
驛舍賜宴自此始

慶曆五年十一月六日冬至宴宗室于崇政殿

曲宴

國朝凡幸苑囿池籩觀稼畋獵所至曲宴惟從官預正
月宴大遼使副於紫宸殿則近臣及刺史正郎都虞侯
以上預暮春後苑賞花則三館秘閣之職皆預

真宗景德二年十一月二十二日樞密院言崇德殿宴
坐次只貼合升殿坐臣僚廊下貼契丹從人座其百官
副指揮使並不坐詔契丹副使移與大使一行次低坐
二十六日詔契丹人使入見賜小宴依曲宴節度使

例臣僚赴座契丹使副使殿上賜座并殿下立班並依元定去處其副使與大使更不重行只於大使一行近後立并座

十二月三日詔契丹人使朝辭長春殿賜酒坐次休朝見日例上節于殿開內兩廊下坐餘人殿門外兩廊下坐

二十八日詔契丹人使入見賜小宴臣僚掌執與坐三年十一月十三日詔契丹賀正人使到闕正月上酌內選日於崇德殿賜宴坐位依去年人使到京崇德殿坐宴臣僚並赴

二十七日詔契丹從人上節都一班入見中節下節亦

吳興劉氏嘉業堂鈔本

一班入見長春殿小宴使副更不別班謝輟宰臣一班入從臣別班入

仁宗慶曆六年正月二十二日集賢校理稽穎言紫宸殿宴竊見西過使者列坐於殿之東序蓋國家撫招外夷能順皇化加之禮過以示上仁者也至於宣傳勸飲慈惠隆渥誠得事之宜矣顧茲遐俗觀覩緝儀然階陛之側祇事之人布立擁映不能觀矚于殿庭欲乞今後有西人朝貢在列即座次之前無得令人映立俾瞻朝廷之盛容深慰蕃戎之遠意詔依奏

至和元年八月二十七日知制誥韓絳言頃年以來國家禮文故事率多增損廢缺如宴會遊豫所以示君惠

例臣僚赴座契丹使副使殿上賜座并殿下立班並依元定去處其副使與大使更不重行只於大使一行近後立并座

十二月三日詔契丹人使朝辭長春殿賜酒坐次休朝見日例上節于殿開內兩廊下坐餘人殿門外兩廊下坐

二十八日詔契丹人使入見賜小宴臣僚掌執與坐三年十一月十三日詔契丹賀正人使到闕正月上內選日於崇德殿賜宴坐位依去年人使到京崇德殿坐宴臣僚並赴

二十七日詔契丹從人上節都一班入見中節下節亦

吳興劉氏嘉業堂鈔本

一班入見長春殿小宴使副更不別班謝輟宰臣一班入從臣別班入

第四十一行 一律紙一抄

慶曆六年正月二十二日集賢校理稽穎言紫宸宮竊見西過使者列坐於殿之東序蓋國家撫招外

夷能順皇化加之禮過以示上仁者也至於宣傳勸飲慈惠隆渥誠得事之宜矣顧茲遐俗觀覩緝儀然階陛之側祇事之人布立擁映不能觀矚于殿庭欲乞今後有西人朝貢在列即座次之前無得令人映立俾瞻朝廷之盛容深慰蕃戎之遠意詔依奏

至和元年八月二十七日知制誥韓絳言頃年以來國家禮文故事率多增損廢缺如宴會遊豫所以示君惠

悅群情非徒佚樂而為也至於待遇將相並有寵數若
遷拜迎授見辭勞餞之內或當行而輒罷或假予之非
宜寢乖儀制舊章遂使恩禮所及頗失華實之稱望詔
有司凡關禮儀制務令舉行故事庶振朝廷熙盛之節
詔今後如有將相遷拜迎授見辭勞餞之類宜令閤門
逐旋取旨

神宗熙寧二年十月二十五日修定閤門儀制所言垂
拱殿曲宴當直翰林學士與觀文資政殿龍圖寶文閣
樞密直龍圖天章寶文閣直學士並赴座而翰林學士
兼他職者不須蓋國初唯有文明翰林樞密直學士只
以常直者赴宴務從簡便後來增置學士之名甚廣悉

筮
燕
堂
鈔
本

吳興劉氏嘉業堂鈔本

皆赴座而翰林職名最崇即須當直者方乃得預考之
官制似未齊一欲乞自今曲宴應翰林學士與雜學士
並許令赴從之

紹興十三年十二月二十六日閤門言依議使人紫宸
殿朝見設仗合用文武百官赴任起居從之

二十七日詔全國人使朝見訖垂拱殿茶酒都管令於
東西廊上第一間殿空稍前坐今後依此

三十日詔全國使人紫宸殿宴其諸軍統制統領正任
以上合赴坐官營寨多在城外令免坐今後准此

十四年五月七日閤門言全國賀生辰使人朝見七拜
朝見謝面天顏并謝湯茶藥等各兩拜受賜三拜垂拱

悅群情非徒佚樂而為也至於待遇將相並有寵教若
遷拜迎授見辭勞餞之內或當行而輒罷或假予之非
宜寔乖儀制舊章遂使恩禮所及頗失華實之稱望詔
有司凡關禮儀制務令舉行故事庶振朝廷熙盛之節
詔今後如有將相遷拜迎授見辭勞餞之類宜令閣門
逐旋取旨

神宗熙寧二年十月二十五日修定閣門儀制所言垂
拱殿曲宴當直翰林學士與觀文資政殿龍圖寶文閣
樞密直龍圖天章寶文閣直學士並赴座而翰林學士
兼他職者不須蓋國初唯有文明翰林樞密直學士只
以常直者赴宴務從簡便後來增置學士之名甚廣悉

第六行 一律低一移

吳興劉氏嘉業堂鈔本

皆赴座而翰林職名最崇即須當直者方乃得預考之
官制似未齊一欲乞自今曲宴應翰林學士與雜學士
並許令赴從之

紹興十三年十二月二十六日閣門言依議使人紫宸
殿朝見設仗合用文武百官赴任起居從之

二十七日詔全國人使朝見訖垂拱殿茶酒都管令於
東西廊上第一間歇空稍前坐今後依此

三十日詔全國使人紫宸殿宴其諸軍統制統領正任
以上合赴坐官營寨多在城外令免坐今後准此

十四年五月七日閣門言全國賀生辰使人朝見七拜
朝見謝面天顏并謝湯茶藥等各兩拜受賜三拜垂拱

殿賜茶酒謝坐兩拜撫問免拜仍免進酒候賜茶酒畢
降兩拜從之

八日詔全國使人見辭宴令閣門提點同提點承受
兼祇應使臣于殿上往來祇應今後筵宴依此

十五年五月十四日詔今後遇宴飲賜臣寮冰孟子許
臣寮從便食飲

二十二月十一日詔閣門今後遇全國人使見辭入賀
赴宴如使副有脫落腰帶等並許引揖通事措筭應接

二十年五月十九日詔全國人使朝見垂拱殿賜茶酒
如墜落匙筋等失儀令通事拾起免問彈今後依此

二十五日詔閣門每遇全國使人赴紫宸殿上壽見

吳興劉氏嘉業堂鈔本

辭宰等如值雨雪泥滑並令入出垂拱殿門及班門令
後准此

二十九年十二月十六日詔全國賀正旦使人見辭賜
茶權令尚書正侍郎觀察使以上赴座故事人使見辭
並賜宴時以顯仁皇后喪制罷宴故也

孝宗乾道二年十月十三日詔全國使人見辭宴後殿
起居班次等令于紫宸殿後墻起居今後准此

春宴

太平興國三年三月大宴大明殿春宴自茲始也乾明
節在十月故太宗朝止設春宴咸平三年九月大宴含
光殿真宗朝聖節外始備設春秋二宴自此為定例也

辭聘宴

國朝凡宰相樞密參知政事使相節度外國使見辭日皆賜飲其日宣徽三司使學士節度使兩使留後觀察使已上並預如有節度使進上酒器者俟第一盞遍舍人引下殿進奉如儀或上表辭免即罷

見辭免宴

高宗紹興四年九月二十八日詔今後將相見辭並免開宴候車駕還京日依儀制是時以知樞密院隨鼎都督川陝荆襄諸軍事朝辭閣門循故事申審故有是詔

吳興劉氏嘉業堂鈔本

宴享三 雜宴

坤成節宴

神宗元豐八年四月十二日詔恭以太皇太后七月十六日生辰為坤成節

哲宗元祐元年七月坤成節群臣及遼使詣內東門拜表稱賀罷上壽賜宴不作樂

二年七月坤成節群臣遼使詣崇政殿上壽如儀以大兩罷宴

三年七月坤成節群臣及遼使詣內東門拜表稱賀罷上壽并宴以魏王顥在殯故也

四年七月坤成節群臣及遼使詣崇政殿上壽如儀

十八日宴于集英殿五年六年七年坤成節群臣及
遼使上壽崇政殿以雨罷宴

大祀慶成殿

大中祥符元年十月二十六日封禪禮畢宴文武百官
卿監以上于穆清殿 是日東封赦書應西州京諸府
軍監並賜^酬三日官給其費

十一月二日御兗州之子城門樓觀^酬凡三日^賜樓

迴鑾
車慶

樓前起露臺列山車棚車綵船以載樂從臣侍座

兗州父老諸道進奉使蕃客等宴于樓下賜父老綿袍
茶帛有差

三日並賜宰臣親王百官宴于延聖寺

吳興劉氏嘉業堂鈔本

七日東封還駐鄆州宴百官于行宮

八日又宴從臣于升中延福樓

十二日次濮州宴從臣父老于告成均慶樓

十四日次澶州宴從臣父老于駐蹕延禧殿

十五日駐澶州賜^酬宴於行宮之南綵殿

十六日宴知澶州永清軍節度使周瑩于行宮又宴
從臣父老于韋城縣行宮南北亭

十七日宴從臣父老于長垣縣行宮東北亭

二十六日詔并代別賜^酬三日時使臣言前設^酬宴
不豐軍校皆不預會故也

十二月二十五日詔以豐禪禮成賜東京^酬五日以

來年二月五日為始

二年春京師愆雨右僕射張齊言上言宴樂陽事也甫經上元將事酺飲請俟雨足乃詔權罷酺宴及降雨遂舉前詔仍以三月十六日為始

正月七日對宗室輔臣于後苑便殿賜襲衣金帶器幣遂宴于崇政殿射于太清楼下以封禪慶成故也

咸平二年十一月八日以南郊壇畢宴近臣於李沆第自後凡大禮畢皆就私第賜會

四年十一月十四日大宴先是有司言郊祀禮畢當宴群臣選用十六日二十日帝曰故許國長公主以十五日發引在塗情所不忍輔臣曰王者禮絕暮喪歷代無

吳興劉氏嘉業堂鈔本

所避月內更無良日倘賜宴稽遲恐滯四方使客帝曰禮所以節人情和上下行之即為例遂改用是日

進士宴

大中祥符二年七月十一日遣入內都知鄧永遷賜新及第進士梁固等宴于瓊林苑帝作五言六韻詩賜之時學士楊億請朝假諭旨令赴

脩書宴

景德三年十月二十八日賜監脩國史宰臣王旦等宴于脩史院以始事也

天聖六年十二月二十三日賜輔臣兩制學士待制館閣書宴于崇文院宰臣韓琦以下刻石記於院之西壁

先是崇文院白本書歲久蠹又散失不完乃詔館閣各置編定編校官一員據崇文院總目收聚遺逸刊正謬訛而補寫之又以黃紙寫別本以絕蠹敗至是寫校畢凡黃本六千四百九十六卷白本二千九百五十四卷上之而賜會

熙寧二年八月四日以兩朝實錄成宴近臣于垂拱殿

脩撰檢
討官預

元豐五年七月二十八日兩朝國史成宴垂拱殿

講書宴

真宗咸平五年正月二十日宴宗室侍讀學士王府官于崇政殿先是帝聽政之暇命邢昺講左氏傳至是畢

吳興劉氏嘉業堂鈔本

藝

故有茲會賜昺及侍講夏侯嶠等器帛昺加襲衣金帶大中祥符二年五月十三日宴廣平公德彝等及侍教時大雅于本宮以講書終篇

仁宗天聖五年十月十四日以講禮記畢詔輔臣兩制賜宴崇政殿翌日兩制館閣並進詩

寶元二年十月二十三日以講左氏春秋讀正說畢曲宴近臣于崇政殿講讀官仍賜以器幣

十一月六日以皇子生宴輔臣宗室于太清樓讀三朝寶訓賜御詩又出寶元天人祥異書示輔臣其書蓋帝集天帝辰緯雲氣雜占離為十卷

慶曆二年四月二十五日以說書撤宴近臣宗室于崇

政殿

五年十一月十七日以講毛詩徹宴近臣宗室及講讀官于崇政殿賜花作樂從官皆獻詩頌

哲宗元祐二年九月十五日賜宰臣執政經筵官宴于東宮上親書唐人詩分賜之以講論語終故也翌日呂公著以謝賜晏及御書太皇太后日皇帝天資聰敏官中惟好學昨日所賜欲卿等知此

紹興十六年三月二十三日賜侍讀侍講修注以下御

筵于皇城司

二十七年十月十三日賜于本司用化成殿等樂仍遣中使賜香茶皆以經筵終篇也

二十三年十月二十一日經筵講尚書終篇翌日賜宰

吳興劉氏嘉業堂鈔本

執侍講侍讀脩注官宴于秘書省

觀書宴

太宗淳化元年八月一日賜宴于秘閣右僕射李昉吏部尚書宋琪左散騎常侍徐鉉及翰林學士諸曹侍郎給事諫議舍人皆預出圖籍令眾觀盡醉而罷

二日召權御史中丞王化基及三館學士賜宴于秘閣

二年十二月二十五日翰林學士承旨蘇易簡于本院會學士韓丕畢士安秘書監李至史館修撰楊徽之梁周翰知制誥柴成務呂祐之錢若水王旦直秘閣潘慎修翰林侍書王著侍讀呂文仲等觀御飛白書帝聞之

賜上尊酒太官設盛饌至等各賦詩以紀其事宰相李昉張齊賢參知政事賈黃中李沆亦賦詩以貽易簡先是帝御飛白書玉堂之署四字并三體書詩賜之易簡會近列同觀因賜會焉

三年八月七日詔輔臣從官觀新秘閣賜上尊酒太官供饌遣中使齋御飛白書祕閣二字以賜李至宰相李昉等相率詣便殿稱謝退就飲宴三館學士皆預

咸平五年十月十七日詔近臣觀書曲宴于龍圖閣閣之四壁設五經圖閣上藏太宗書帖三千七百五十卷又幸崇和殿殿之後閣悉藏本朝名臣文集次御資政殿殿壁有楊相如政要論帝作七言詩侍臣皆賦

吳興劉氏嘉業堂鈔本

景德二年四月二十一日幸龍圖閣近臣畢從又詔直昭文館种放預馬閣太常御書又觀諸閣書畫宴于崇政殿帝作五言詩從臣皆賦命李宗諤楊億作序大中祥符二年九月二十六日詔宗室觀書賜宴龍圖閣

三年正月二十八日詔近臣觀龍圖閣太宗御書及四部書籍又至閣西觀畫帝顧謂馬知節曰聞卿別畫可盡評之知節以古今工拙對即賜酒于閣下帝作觀書開宴五言詩令即席皆賦

八月八日詔近臣觀書于龍圖閣觀瑞物于崇和殿遂宴于資政殿帝作七言詩從臣即席皆賦初觀瑞物

史官晁迥揚億曰此並聖朝受命之符不可不載于史冊望內降名件付修國史院許之

四年十月二十八日詔輔臣至苑中山亭觀太宗聖制四部羣書又至玉宸殿佛閣焚香歷東西洞觀古今書讀聖製書籍記石帝作五言詩王旦等即席皆賦

五年十二月十四日詔近臣至龍圖閣閱書開宴觀新修宣德述古二殿又幸資政殿帝作七言詩命即席皆賦

六年七月二十九日詔輔臣觀粟于後苑御山子觀御製文閱御書及嘉禾圖賜飲是日皇子從遊

七年三月十日詔輔臣于玉宸殿觀太宗聖文神翰賜

吳興劉氏嘉業堂鈔本

宴又臨曲水浮觴小黃門奏樂帝作觀書流杯詩二首侍臣皆賦

四月十四日詔宰臣文武百官詣國子監觀太宗御集御書及新刻聖製論辨賜近臣宴于本監

八年四月十一日詔輔臣觀書于玉宸殿吏部尚書王欽若戶部尚書陳堯叟刑部尚書兼御史中丞馮拯兵部侍郎趙安仁預馬始觀太宗御書移御別殿觀御製皇帝王霸及良臣忠臣正臣姦臣權臣等論復幸水軒垂釣命侍臣賦詩各賜襲衣金帶器幣

九年二月二十七日詔近臣于後苑翔鸞閣觀太宗御書移幸流杯殿泛觴登象瀛山翠芳亭遂宴于玉宸殿

殿在苑中密近宮禁帝優寵輔臣每大講慶成從容一
言至馬令兩制皆預特恩也

三月四日詔宗室觀書宴于玉宸殿

十一月二十三日詔輔臣學士待制以上管軍節度
使駙馬都尉刺史以上觀書龍圖閣特詔秘書監楊億
知雜御史呂夷簡直龍圖閣馮元預宴帝作觀書七言
六韻詩二首分賜輔_臣王旦宗室元偓以下又作七言四
韻詩三首分賜學士晁迥殿前曹燦已下命儒臣即席
皆賦

天禧元年九月二十九日以壽春郡王讀論語第九卷
畢宴王友于資善堂

吳興劉氏嘉業堂鈔本

二年十一月十三日詔近臣至後苑太清樓觀太宗御
書及聖製群書賜宴樓下

三年九月二十三日詔宗室輔臣學士三司使副尚書
丞郎給諫舍人待制直龍圖閣對于清景殿出賜皇太
子御製及國史實錄太宗御集四部書示侍從臣遂宴
于殿內

四年十一月十一日御龍圖閣詔近臣觀書宴于資政
殿

五年四月十六日詔近臣館閣官詣天章閣觀御書遂
宴于群玉殿

四月召近臣館閣三司京府詣天章閣觀御書御集

遂宴于群玉殿

天聖八年八月六月詔輔臣兩期待制以上宗室并駙馬都尉天章閣觀御書元真殿觀瑞穀賜宴于慈珠殿宰臣以下賦詩教坊作樂觀優酒瓦行罷

嘉祐七年十二月二十三日幸龍圖閣天章閣召輔臣至待制三司副使以上及臺諫官皇子宗室駙馬都尉管軍臣僚觀三聖御書又幸寶文閣帝親為飛白書以分賜從臣仍出御製觀書詩一首賜近臣繼和遂宴群玉殿是日傳詔翰林學士王珪撰詩序刊石于寶文閣
賞花釣魚宴

太宗太平興國九年三月十五日詔宰相近臣賞花于

吳興劉氏嘉業堂鈔本

後園帝曰春氣暄和萬物暢茂四方無事朕以天下之樂為樂宜令侍從詞臣各賦詩帝習射于水心亭宋琪等以應制詩進帝吟咏久之學士扈蒙詩有微臣自愧頭如雪也向釣天侍玉皇帝笑謂曰卿善因事陳情蒙頓首謝

二十九日詔近臣宴于後苑帝作詩一章賜侍臣令屬和

雍熙二年四月二日詔輔臣三司使翰林樞密直學士尚書省四品兩省五品以上三館學士宴于後苑賞花釣魚張樂賜飲命群臣賦詩習射賞花曲宴自此始三年二月二十七日詔輔臣節度使三司使學士舍人

于後園臨池垂釣顧謂之曰今日風景倍資吟思可令詞臣各賦花下釣魚詩一章以中字為韻

三月一日帝謂宰相李昉曰春色方盛朕欲詔群臣後園賞花而近嘗宴會又將大宴不欲數為樂卿可召同列及翰林樞密直學士中書舍人就第為觀花賦詩之會仍賜羊酒昉曰北邊方用兵陛下宵旰為念群臣當夙夜供職以輔帷幄若爾宴集誠所未安帝曰芳辰嘉致不可虛度公餘集會未至過也既宴飲酒酣各賦奉詔賞花詩帝亦作詩賜之翌日學士承旨扈蒙等詣垂拱殿門謝

四年三月十七日賞花宴于後苑常臨池垂釣顧宰相

吳興劉氏嘉業堂鈔本

李昉等曰宴賞何樂如之可令侍臣各賦賞花釣魚詩俄出五言御詩一章賜侍臣晚御水殿集射翌日帝依韻和宰相以下十三人所進詩以賜又令宰相更和所進應制詩以獻

淳化二年三月一日賞花宴于後苑帝臨池釣魚命群臣賦詩盡醉而罷

三年三月十二日賞花宴于後苑命群臣賦詩詔光祿寺丞楊億賦詩于御座之側

億先親秘閣讀書至新

館韓國華潘太初並令預以所賦賞花詩五十二首付史館先是國華嘗直史俄充三司判官循故事不帶館職至是因奏事自陳以諫官兼省職而宸遊苑中不得

陪館殿臣僚在侍從之列翌日並詔守本官直昭文館
告謝之日適值賞花並令預宴國華等皆以判官兼館
職從新制

淳化五年三月六日賞花宴于後苑帝臨池釣魚賦詩
命群臣皆賦應制者三十九人

至道元年三月十六日後苑賞花持召司空致仕李昉
坐於尚書之上仍稍前帝臨池釣魚賦詩命群臣賦詩
應制者五十五人

咸平三年二月二十九日賞花宴于後苑帝作春秋賞
花釣魚七言詩儒臣皆賦遂射于水殿盡歡而罷自是
遂為定制

英興劉氏嘉業堂鈔本

四年三月十八日後苑賞花習射帝與近臣言及大射
投壺鄉飲酒之禮因命直館各賦射官五言六韻詩帝
歡甚詔群臣極飲怒其沉醉

六年三月十七日賞花宴于後苑帝作賞花五言詩群
臣皆賦

景德四年三月七日曲宴後苑初臨水閣垂釣又登太
清樓觀太宗御書及新寫四部群書又至景福殿臨放
生池東至玉宸殿歷翔鸞儀鳳二閣命坐置酒帝作五
言詩從官皆賦遂宴于太清樓下

十六日大宴崇德殿中飲詔近臣曲宴于後苑賞花
釣魚帝作賞花千葉牡丹詩從官畢賦詔大理評事宋

綬邵煥預會綬煥皆在祕閣肄業故也麟臺故事景德四年三月甲寅

大宴崇德殿中召近臣曲宴于後苑賞花釣魚大理評事宋綬邵煥預會以皆祕閣肄業故也上作賞花詩葉

牡丹詩各一章從官畢賦吏部尚書張齊賢刑部尚書溫仲舒工部尚書王化基以久在外任求免應制不許

有頃射于太清樓下

大中祥符元年三月九日宴近臣于後苑帝作賞花七

言詩

三年閏二月二十二日後苑賞花曲宴特詔衛尉卿考

察在京刑獄慎從古太常少卿知審刑院劉國忠預會

命集賢校理宋綬晏殊祕閣校理邵煥作序

二十七日詔輔臣至宜聖殿朝拜太宗聖容殿東西

設道釋像經藏帝作賞景觀花詩以賜從官即席賦詩

吳興劉氏嘉業堂鈔本

又御水心殿垂釣遂宴于金華殿小苑花木皆太常命

中黃門所植滋茂異常輔臣素所未至也

四年三月八日車駕駐西京命從臣射于後苑淑景亭

移宴長春殿帝作賞花開宴詩

五年三月十九日詔後苑賞花曲宴館閣編修校勘官

並赴

二十日賞花後苑以雨移崇政殿南軒曲宴酒三行

命賦詩有頃御北殿賜宴作樂帝作賞花及喜雨詩二

首群臣即席和進

六年三月五日賞花宴于後苑帝作賞花釣魚七言詩

從臣皆賦又詔從臣令觀苑中連理槐屏風連理柏遂

射于太清樓下

七年三月八日賞花宴于後苑登太清樓觀書射于樓下特詔知雜御史預會帝作賞花觀書詩二首從臣畢賦

九年三月十三日賞花宴于後苑始詔開封府判官預

會自是推官亦詔時翰林學士錢惟演坐虛職事落職

特詔預

麟臺故事九年三月乙卯曲宴賞花于後苑上作五言詩從臣賦因射于太清樓下

苑真宗朝歲歲賞花釣魚群臣應制嘗一日臨池久而御釣不食丁晉公謂應制詩曰鶯鶯鳳聲穿花去魚畏龍顏上釣逢真宗稱賞群臣以為莫及

天禧三年三月十三日

曲宴後苑登翔鸞閣觀太宗御

集及聖製又御儀鳳閣玉宸安福殿遂臨池垂釣射于

吳興劉氏嘉業堂鈔本

太清樓下帝作賞花釣魚五七言詩命皇太子書以示

近臣群臣皆賦前一日詔翰林學士錢惟演已下被勅

並領預赴

仁宗天聖三年三月二十一日後苑賞花臨池釣魚遂

宴太清樓是日雨霽花卉盛發帝屢目從臣賜花勸酒

各令盡醉

麟臺故事天聖三年二月幸後苑賞花釣魚遂宴太清樓輔臣宗室兩制雜學士待制三

司使副知雜御史三司判官開封府推官館閣官節度使至刺史皆預焉

四年四月三日賞花宴于後苑帝循欄命中使選雙並

牡丹花剪賜輔臣仍令以瑠盞盛花遍賜從官

五年三月十日後苑賞花釣魚宴于太清樓

六年三月十七日幸後苑賞花釣魚宴射太清樓帝親

令內侍剪牡丹花賜輔臣

七年閏二月二十九日後苑賞花釣魚宴射太清樓

八年二月十九日後苑賞花釣魚觀唐明皇山水字石

于清輝殿因命從官皆賦歌遂宴太清樓山水字石先

是永興軍犖至起清輝殿以安之是日從臣應制令中

書第所賦優劣而秘閣校理韓義辭獨不成落職出通

判冀州麟臺故書天聖八年二月以上幸後苑賞花宴輔

明皇山水字石于永興實于清輝殿是日命從臣觀之

應制賦詩上親弟其能石集賢校理王琪詩最家稱善

尋下褒詔而度支員外郎秘閣校理韓義詩最惡乃奪

職為司封員外郎通判冀州范蜀公東齋遺事賞花

釣魚賦詩往往宿製天聖中永興軍進山水石因命賦

山水石歌出于不意多荒惡者中坐優人入戲各執紙

筆若吟咏狀一人忽仆于石上日數日來作賞花釣魚

詩准備應制却被這石頭擦倒明日降出詩令中書鈔

吳興劉氏嘉業堂鈔本

定內鄙惡者與外任聞見錄仁宗朝王安石和制詰

一日賞花釣魚宴內侍各以金蝶盛釣餌藥置几上安

石食之盡明日帝謂宰臣曰王安石詐人也使誤食釣餌一粒則止矣食之盡不情也

九年三月十七日曲宴後苑賞花釣魚命從臣賦詩限

以五言八韻以新字為韻移宴太清樓是日先賜食于

幕次

明道二年三月十三日曲宴後苑賞花釣魚

景祐三年三月六日曲宴後苑賞花釣魚帝賦詩席上

次韻移宴太清樓

嘉祐六年三月二十五日幸後苑賞花釣魚遂宴太清

樓出御製詩一首命從臣和自西鄙用兵遂罷賞花賜

宴踰二十年至是將大宴以富弼母喪特罷之乃賜賞

花之會

吳興劉氏嘉業堂鈔本

宴餞

宴餞之儀太祖太宗朝藩鎮牧伯沿五代舊制入勤及
被召使回客省齋籤賜酒食節度使十日留後七日觀
察一日防禦使團練使刺史並賜生料節度使以私故
到闕下及步軍都虞侯以上出使回者亦賜酒食熟羊
群臣出使回朝見日面賜酒食中書樞密宣徽使使相
並樞密使伴三司使學士東宮三師僕射御史大夫節
度使並宣徽使伴兩省五品已上侍御史中丞三丞副
使東宮三少尚書丞郎卿監上將軍留後觀察防禦團
練使刺史宣慶宣政昭宣使並客省使伴少卿監大將
軍諸司使以下任發運轉運提點刑獄知軍州通判都

監巡檢回者即賜並通事舍人伴客省引進四方館閣
門使並本廳就食群臣賀賜衣奉慰並特賜茶酒或賜
食外任遣人進奉亦賜酒食或生料自十月一日後盡
正月每五日起居百官皆賜茶酒諸軍分校三日一賜
冬至二社重陽寒食樞密近臣禁軍大校或賜宴其第
及府署中率以為常大中祥符五年詔自今兩省五品
尚省四品諸司三品以上官同列出使並許醵錢餞飲
仍休假一日餘有親屬僚友出行任以休務日餞送故
事樞密節度使使相還朝咸賜宴於外苑見辭日長春
殿賜酒五行仍設食當直翰林龍圖閣學士以上皇親
觀察使預坐八年四月侍衛步軍副都揮使王能自鎮

吳興劉氏嘉業堂鈔本

定來朝宴于長春殿閣門言舊制節度使掌兵無此禮
例既赴坐則殿前馬軍都校當侍立於品秩非便遂令
皆預位中興仍舊制凡宰相樞密執政使相節度外國
使見辭及來朝皆賜宴內廷或都亭驛或賜茶酒並如
儀

刑法

格令

一之四

法律考試

Blank page with vertical ruling lines.

